



PELAN ANTIRASUAH JABATAN PERLINDUNGAN DATA PERIBADI 2021-2023





PELAN ANTIRASUAH

JABATAN PERLINDUNGAN DATA PERIBADI

2021-2023

DITERBITKAN OLEH:

Jabatan Perlindungan Data Peribadi (JPDP)
Aras 6, Kompleks Kementerian Komunikasi dan Multimedia Malaysia,
Lot 4G9, Persiaran Perdana, Presint 4,
Pusat Pentadbiran Kerajaan Persekutuan,
62100 Putrajaya
Telefon: 03-8911 7927
Faks: 03-8911 7959
Laman web: www.pdp.gov.my

HAK CIPTA TERPELIHARA

Sebarang edaran atau penghasilan semula mana-mana bahagian atau keseluruhan kandungan dalam apa jua bentuk adalah dilarang. Sebarang pengesklipotiasian untuk tujuan komersial tanpa kebenaran bertulis adalah tidak dibenarkan sama sekali.

PENAFIAN

Maklumat yang terkandung dalam pelan ini adalah khusus untuk kegunaan JPDP dan tertakluk kepada perubahan tanpa sebarang notis. JPDP tidak akan bertanggungjawab atas sebarang kesilapan akibat penggunaan maklumat yang terkandung di dalamnya.



AMANAT

YBRS. TUAN MAZMALEK BIN MOHAMAD

Ketua Pengarah

Jabatan Perlindungan Data Peribadi

Assalamualaikum Warahmatullahi Wabarakatuh dan Salam Sejahtera,

Alhamdulillah, syukur ke hadrat Allah SWT kerana dengan limpah kurnia dan izin-Nya, Jabatan Perlindungan Data Peribadi (JPDP) berjaya membangunkan Pelan Antirasuah Jabatan Perlindungan Data Peribadi (OACP JPDP) 2021 - 2023 ini.

Pelan ini dibangunkan dengan tujuan untuk menjadi panduan dan rujukan semua warga JPDP dalam mendukung usaha memantapkan integriti dan tadbir urus serta menangani rasuah, salah guna kuasa dan penyelewengan di JPDP khasnya dan perkhidmatan awam amnya. Pembangunan OACP JPDP ini adalah selaras dengan Pelan Antirasuah Nasional (National Anti-Corruption Plan) 2019 – 2023 dan Pelan Antirasuah Kementerian Komunikasi dan Multimedia Malaysia (KKMM) 2021 – 2023.

Di kesempatan ini, saya juga ingin merakamkan ucapan tahniah dan penghargaan kepada semua pihak yang terlibat secara langsung maupun tidak langsung dalam pembangunan pelan ini. Saya juga berbesar hati dengan komitmen dan kerjasama erat yang ditunjukkan oleh warga JPDP dalam usaha menyahut seruan Kerajaan ke arah membudayakan integriti dan memerangi rasuah.

Diharapkan komitmen dan kerjasama ini akan diteruskan dan diperhebat dalam menjayakan segala strategi dan inisiatif yang digariskan dalam OACP JPDP ini. Bersama-sama lah kita mengembangkan tenaga dan usaha ke arah satu suasana penyampaian perkhidmatan JPDP yang lebih berintegriti, bertanggungjawab, telus serta diyakini oleh rakyat dan para pemegang taruh.

Akhir kata, saya menyeru semua warga JPDP untuk menjawai, menekuni dan melaksanakan setiap strategi dan inisiatif yang digariskan dalam OACP JPDP ini dengan penuh penghayatan dan keikhlasan agar matlamat utama penggubalan dokumen ini dapat dicapai dan visi negara bebas rasuah menjelang tahun 2023 akan dapat direalisasikan.

Sekian, terima kasih.

KOMITMEN PENGURUSAN TERTINGGI

Pelan Antirasuah Jabatan Perlindungan Data Peribadi (OACP JPDP) 2021-2023 merupakan satu dokumen dasar antirasuah yang dibangunkan untuk membendung dan menangani isu integriti dan rasuah di JPDP dalam tempoh tiga (3) tahun akan datang. Pelan ini menggariskan inisiatif-inisiatif yang praktikal untuk dilaksanakan demi meningkatkan dan menerapkan nilai integriti dalam kalangan warga Jabatan.

Pembangunan pelan ini telah berjaya disempurnakan dengan kerjasama seluruh warga Jabatan. Isu-isu dan risiko rasuah dikenal pasti pada setiap peringkat aktiviti Jabatan sebelum pelan menangani isu-isu tersebut dirangka. Beberapa siri bengkel dan mesyuarat serta komitmen yang dicurahkan oleh warga Jabatan telah berjaya menghasilkan Pelan Antirasuah Jabatan Perlindungan Data Peribadi (OACP JPDP) 2021 - 2023 yang komprehensif.

Pembangunan pelan ini juga adalah selari dengan keperluan di bawah Pelan Antirasuah Nasional 2019-2023 dan komitmen Pengurusan Tertinggi Kementerian Komunikasi dan Multimedia Malaysia (KKMM). Justeru, Pengurusan Tertinggi JPDP berjanji dan bertekad untuk melaksanakan kesemua inisiatif yang dirancang dalam pelan ini dengan penuh tanggungjawab dan amanah demi mencapai aspirasi Jabatan, Kementerian dan Negara.

ISI KANDUNGAN

Amanat YBrs. Ketua Pengarah Komitmen Pengurusan Tertinggi Isi Kandungan	1 2 3
BAB 1: PENGENALAN <ul style="list-style-type: none">• Latar Belakang Jabatan• Visi• Misi• Objektif• Fungsi dan Peranan• Pelan Integrasi Nasional (PIN)• Pelaksanaan Dasar Integriti dan Tadbir Urus Peringkat Kementerian Komunikasi dan Multimedia Malaysia	4 4 4 4 4 5 5 6 7
BAB 2: DASAR INTEGRITI DAN TADBIR URUS JPDP <ul style="list-style-type: none">• Penilaian Risiko• Bidang-bidang Berisiko• Senario Masa Hadapan• Strategi Utama	8 8 8 8 8 8 9
BAB 3: TADBIR URUS PELAN ANTI RASUAH <ul style="list-style-type: none">• Mekanisme Pelaksanaan dan Pemantauan• Mekanisme Penyelarasaran dan Penilaian• Struktur Tadbir Urus Jawatankuasa OACP JPDP	13 13 14 15
BAB 4: KESIMPULAN	16

BAB 1: PENGENALAN


LATAR BELAKANG JABATAN

Tanggungjawab utama Jabatan ini adalah untuk mengawal selia pemprosesan data peribadi individu yang terlibat dalam urus niaga komersial supaya tidak disalah guna oleh pihak-pihak berkepentingan.

Keselamatan data peribadi pengguna perlu dilindungi bagi mencegah sebarang bentuk penyalahgunaan terhadap pemprosesan data peribadi individu, awam dan swasta di Malaysia dalam transaksi komersial sebagaimana yang termaktub di bawah Akta Perlindungan Data Peribadi 2010 (Akta 709).

VISI

Peneraju utama dalam melindungi kepentingan data peribadi dalam mencapai kesejahteraan sebagai negara maju yang selari dengan Agenda Transformasi Negara.



MISI

Mengawal selia perlindungan data peribadi untuk mewujudkan kepercayaan dalam kalangan pengguna yang menyumbang kepada peningkatan transaksi komersial.

OBJEKTIF

OBJEKTIF UMUM

Mengawal selia pemprosesan data peribadi seseorang individu oleh Pengguna Data agar ia digunakan dengan cara yang penuh berintegriti, selamat dan tidak disalahgunakan seterusnya secara tidak langsung memberi perlindungan kepada individu tersebut.

OBJEKTIF OPERASI

Memastikan semua Pengguna Data Peribadi dalam transaksi komersial mematuhi undang-undang perlindungan data peribadi serta tindakan penguatkuasaan untuk membanteras penyalahgunaan data peribadi agar hak peribadi rakyat Malaysia sentiasa terpelihara.

FUNGSI & PERANAN

PENDAFTARAN & OPERASI

Menyelaras dan memantau hal-hal yang berkaitan dengan pendaftaran Pengguna Data dan Forum Pengguna Data seperti mana yang diperuntukkan dalam Akta 709.

PEMANTAUAN

Bertanggungjawab menjalankan tugas-tugas pemantauan dan penguatkuasaan bagi memastikan pematuhan Akta 709 melalui penilaian, penyiasatan dan pemantauan.

KOMUNIKASI KORPORAT

Mempromosikan dasar program dan aktiviti JPDP ke arah pembentukan imej yang positif melalui perancangan promosi dan publisiti yang strategik dan berkesan.

PENGURUSAN TEKNOLOGI MAKLUMAT

Memberi perkhidmatan sokongan teknikal, sistem dan bantuan khidmat nasihat berhubung pelaksanaan ICT kepada warga JPDP.

KHIDMAT PENGURUSAN

Menguruskan hal-hal pentadbiran dan kewangan JPDP.

PELAN INTEGRITI NASIONAL (PIN)

Pelan Integriti Nasional (PIN) telah dilancarkan pada 23 April 2004. Pelan ini diperincikan dengan lebih jelas untuk mencapai cabaran keempat yang digariskan dalam Wawasan 2020 iaitu "Membentukkan masyarakat yang kukuh ciri-ciri moral dan etika dengan para warganya mempunyai nilai keagamaan dan kerohanian yang utuh dan ditunjangi oleh budi pekerti yang luhur".

Objektif khusus PIN adalah seperti yang berikut:

- Memberikan hala tuju dan bimbingan pelbagai sektor supaya mereka dapat bekerjasama dalam usaha membina masyarakat yang bersatu padu, berharmoni, berintegriti, bermoral dan beretika;
- Meningkatkan kesedaran, komitmen dan kerjasama pelbagai sektor dalam usaha peningkatan integriti supaya integriti menjadi budaya masyarakat dan diamalkan dalam semua bidang;
- Menggalakkan semangat bertanggungjawab dalam kalangan anggota masyarakat serta mendorong perkembangan masyarakat sivil yang menjunjung prinsip integriti dan bergerak cergas menegakkan integriti;
- Menyumbang kepada usaha pengukuhan asas moral masyarakat dan negara, dan peningkatan kesejahteraan hidup anggota masyarakat; dan
- Meningkatkan daya saing dan daya tahan Malaysia dalam usaha menangani cabaran abad ke-21 khususnya cabaran globalisasi dengan lebih berkesan.

PELAKSANAAN DASAR INTEGRITI DAN TADBIR URUS KEMENTERIAN KOMUNIKASI DAN MULTIMEDIA MALAYSIA

Kementerian Komunikasi dan Multimedia Malaysia (KKMM) sentiasa mendukung usaha Kerajaan dalam memerangi rasuah agar negara dikenali kerana integriti dan bukannya rasuah. Beberapa inisiatif telah diwujudkan selari dengan dasar dan tadbir urus nasional seperti yang berikut:

- Pelan Integriti Organisasi KPKK 2009;
- Pelan Integriti Organisasi KKMM 2014;
- Pelan Pengurusan Risiko Rasuah (CRM) KKMM 2019-2021; dan
- Pelan Antirasuah KKMM 2021-2023.

Pelan Antirasuah KKMM 2021-2023 menggariskan lima (5) strategi utama bagi menghadapi senario yang telah dikenal pasti melalui penilaian risiko rasuah seperti yang berikut:

- i) Mempertingkat keberkesanan dan ketelusan perolehan awam;
- ii) Mempertingkat keberkesanan dan ketelusan sistem pengurusan kewangan;
- iii) Meningkatkan kecekapan pengurusan perolehan dan kewangan;
- iv) Mengukuh dan menambah baik tadbir urus kementerian; dan
- v) Memupuk tadbir urus baik dalam entiti korporat.



BAB 2: DASAR INTEGRITI DAN TADBIR URUS JPDP

PENILAIAN RISIKO

JPDP telah membangunkan Corruption Risk Management (CRM) pada tahun 2021. CRM merupakan salah satu proses pengurusan yang membantu JPDP mengenal pasti kelemahan yang membuka ruang dan peluang kepada rasuah, menyediakan rangka kerja untuk mengenal pasti faktor risiko dan penyelesaiannya yang melibatkan semua warga, serta menerapkan elemen pencegahan rasuah dalam rangka tadbir urus yang mantap.

Melalui mesyuarat dan bengkel CRM yang diadakan pada peringkat Jabatan, risiko rasuah dan penyelewengan telah dapat dikenal pasti dan JPDP telah merangka pelan tindakan yang perlu dilaksanakan untuk membendung isu tersebut.

Berikut adalah sumber yang digunakan sebagai rujukan untuk mengenal pasti risiko:

- i. Minit Mesyuarat Pengurusan Tertinggi JPDP;
- ii. Laporan Audit Dalam;
- iii. Pelan Corruption Risk Management (CRM) JPDP 2021;
- iv. Sistem Perlindungan Data Peribadi (SPDP);
- v. Prosedur Operasi Standard Pendaftaran;
- vi. Prosedur Operasi Standard Penguatkuasaan;
- vii. Prosedur Operasi Standard Penguatkuasaan dan Siasatan;
- viii. Prosedur Operasi Standard Perolehan; dan
- ix. Pekeliling Perolehan Kerajaan.

BIDANG-BIDANG BERISIKO

Berdasarkan penilaian risiko yang telah dijalankan, empat (4) aktiviti Jabatan yang terdedah kepada risiko tadbir urus, integriti dan rasuah telah dikenal pasti.

Pengurusan Pendaftaran	Penguatkuasaan (Pemeriksaan)	Penguatkuasaan (Siasatan)	Tadbir Urus Korporat
Mendaftarkan Perakuan dan Pembaharuan Perakuan Pendaftaran bagi Pengguna Data Wajib Daftar di bawah Akta 709.	Melaksanakan pemeriksaan pematuhan ke atas Sistem Data Peribadi Pengguna Data selaras Seksyen 101 dan 48, Akta 709.	Menjalankan siasatan ke atas aduan atau insiden kebocoran data peribadi oleh Pengguna Data.	Menguruskan hal-hal pentadbiran, kewangan dan perolehan Jabatan.

SENARIO MASA HADAPAN

Potensi risiko rasuah dalam tempoh tiga (3) tahun ke hadapan telah dikenal pasti sebagai langkah penting dalam menggariskan strategi menangani isu integriti dalam Jabatan. Antara senario yang telah dikenal pasti, dinilai dan dianalisis adalah seperti yang berikut:

BIL	BIDANG KEUTAMAAN	SENARIO MASA HADAPAN
1.	Pengurusan Pendaftaran	Penerimaan imbuhan dengan alasan mempercepatkan proses pengeluaran perakuan pendaftaran.
2.	Penguatkuasaan (Pemeriksaan)	Penerimaan imbuhan semasa menjalankan pemeriksaan hasil pakatan dengan Pengguna Data yang didapati tidak mematuhi prinsip-prinsip di bawah Akta 709.
3.	Penguatkuasaan (Siasatan)	Penerimaan imbuhan semasa menjalankan siasatan hasil pakatan dengan Pengguna Data yang terlibat dalam kes yang disiasat.
4.		Penyelewengan dalam pengurusan barang sitaan.
5.	Tadbir urus korporat	Pemilihan pembekal yang sama dan mempunyai kaitan langsung dengan pegawai yang menguruskan perolehan, kajian pasaran palsu dan perolehan secara pecah kecil.

STRATEGI UTAMA

Pelan ini merangkumi empat (4) bidang keutamaan Jabatan yang menjadi teras utama dalam usaha memerangi rasuah. Bidang keutamaan tersebut ialah Pengurusan Pendaftaran, Penguatkuasaan (Pemeriksaan), Penguatkuasaan (Siasatan) dan Tadbir Urus Korporat yang meliputi pengurusan perolehan, pentadbiran dan kewangan JPDP.

Berdasarkan penilaian risiko dan perancangan senario terhadap keempat-empat bidang tersebut, Jabatan telah menggariskan empat (4) strategi utama bagi meningkatkan tahap integriti warga Jabatan.

STRATEGI 1:

Mempertingkat Kecekapan dan Ketelusan Pengurusan
Pendaftaran Pengguna Data

STRATEGI 2:

Memantapkan Urusan Pemeriksaan Sistem Perlindungan
Data Peribadi Pengguna Data

STRATEGI 3:

Memperkuuh Strategi Pengurusan Aduan dan Siasatan

STRATEGI 4:

Meningkatkan Kompetensi dan Ketelusan dalam
Pengurusan Khidmat Korporat dan Tadbir Urus

Berdasarkan keempat-empat strategi yang ditetapkan, Jabatan juga telah menggariskan sebanyak 10 inisiatif dan pelan tindakan yang berkaitan bagi menyokong pencapaian aspirasi Jabatan untuk meningkatkan tahap integriti warga Jabatan.

BIL.	INISIATIF	PELAN TINDAKAN	TINDAKAN/TEMPOH
Bidang Keutamaan: PENGURUSAN PENDAFTARAN			
STRATEGI 1: Mempertingkat Kecekapan dan Ketelusan Pengurusan Pendaftaran Pengguna Data			
S1I1	Menambah baik Prosedur Operasi Standard Unit Pendaftaran untuk mewujudkan mekanisme semak dan imbang (check and balance)	Menambah baik Prosedur Operasi Standard Pendaftaran dari segi tempoh masa semakan, penyediaan perakuan pendaftaran dan tempoh masa menjelaskan bayaran bagi memberi ruang kepada Pengguna Data dan Unit Pendaftaran dalam urusan mengeluarkan perakuan pendaftaran. Semak dan imbang (check & balance) bagi urusan ini akan dijadikan agenda tetap Mesyuarat Pengurusan Tertinggi Jabatan.	Unit Pendaftaran (2021)
Bidang Keutamaan: PENGUATKUASAAN (PEMERIKSAAN)			
STRATEGI 2: Memantapkan Urusan Pemeriksaan Sistem Perlindungan Data Peribadi Pengguna Data			
S2I1	Menambah baik Prosedur Operasi Standard Unit Pemantauan untuk mewujudkan mekanisme semak dan imbang (check and balance).	Menambah baik aktiviti pemeriksaan sedia ada dengan memastikan aktiviti dijalankan secara berpasukan yang terdiri daripada sekurang-kurangnya tiga (3) orang anggota mengikut arahan Pesuruhjaya.	Unit Pemantauan (2021)
S2I2	Menyemak laporan pemeriksaan	Laporan pemeriksaan disemak dan diperakui oleh Pesuruhjaya.	Unit Pemantauan (2021-2023)

Bidang Keutamaan: PENGUATKUASAAN (SIASATAN)			
STRATEGI 3: Memperkuuh Strategi Pengurusan Aduan dan Siasatan			
S3I1	Menambah baik Prosedur Operasi Standard Unit Siasatan	Menambah baik aktiviti siasatan sedia ada dengan memastikan aktiviti dijalankan secara berpasukan yang terdiri daripada sekurang-kurangnya tiga (3) orang anggota mengikut arahan Pesuruhjaya.	Unit Siasatan (2021)
S3I2	Mewujudkan Prosedur Operasi Standard Pengurusan Barang Sitaan	Mewujudkan Prosedur Operasi Standard Pengurusan Barang Sitaan	Unit Siasatan (2021)
S3I3	Meningkatkan Kompetensi Pegawai Lapangan	Mengadakan bengkel pemantapan pengetahuan peraturan serta akta secara berkala bagi pegawai baharu / Pegawai Penyiasat.	Unit Siasatan (2021-2023)
Bidang Keutamaan: TADBIR URUS DAN KORPORAT			
STRATEGI 4: Meningkatkan Kompetensi dan Ketelusan dalam Pengurusan Khidmat Korporat dan Tadbir Urus			
S4I1	Menambah baik Prosedur Operasi Standard Unit Khidmat Pengurusan	Menambah baik prosedur permohonan kelulusan berbelanja dengan menetapkan tiga (3) proses semakan iaitu Pegawai Kewangan Jabatan, Pengarah / Timbalan Ketua Pengarah, Ketua Pengarah.	Unit Khidmat Pengurusan (2021)
S4I2	Pengauditan Pengurusan Kewangan Tahunan	Menguruskan pengauditan tahunan pengurusan Kumpulan Wang Perlindungan Data Peribadi oleh Jabatan Audit Negara.	Unit Khidmat Pengurusan (2021-2023)
S4I3	Meningkatkan Pengetahuan dan Kemahiran Pegawai Mengenai Tatacara Pengurusan Kewangan dan Perolehan	Mengadakan latihan secara berkala untuk meningkatkan pengetahuan, kemahiran dan kompetensi pegawai-pegawai Jabatan dalam tatacara pengurusan kewangan dan perolehan serta aspek tadbir urus, integriti dan antirasuah.	Unit Khidmat Pengurusan (2021-2023)
S4I4	Mengeluarkan Arahann Dalaman Pematuhan Pengurusan Perolehan Jabatan	Mengeluarkan Arahann Dalaman berkaitan pematuhan pengurusan perolehan Jabatan. Perkara ini juga dijadikan agenda tetap Mesyuarat Pengurusan Tertinggi Jabatan.	Unit Khidmat Pengurusan (2021)

BAB 3: TADBIR URUS PELAN ANTIRASUAH


MEKANISME PELAKSANAAN DAN PEMANTAUAN

Pelan Antirasauah Jabatan Perlindungan Data Peribadi (OACP JPDP) 2021-2023 akan dilaksanakan secara menyeluruh dengan melibatkan kerjasama daripada seluruh warga Jabatan Perlindungan Data Peribadi bagi memastikan inisiatif antirasauah yang dirangka dapat dilaksanakan dengan berkesan selaras dengan Pelan Integriti Nasional (PIN) dan Pelan Antirasauah KKMM 2021-2023.

Pengurusan Tertinggi Jabatan akan memastikan kebolehlaksanaan Pelan ini diperkuuh dengan:

- memantau pencapaian Pelan Antirasauah oleh setiap Unit; dan
- memastikan setiap pelan tindakan dilaksanakan mengikut tempoh masa yang ditetapkan.

Bagi memastikan pencapaian setiap inisiatif yang ditetapkan dalam Pelan ini, setiap Ketua Unit dikehendaki melaporkan prestasi pencapaian pada Mesyuarat Pengurusan Tertinggi Jabatan. Pembentangan laporan ini akan menjadi agenda tetap Mesyuarat Pengurusan Tertinggi Jabatan.



MEKANISME PENYELARASAN DAN PENILAIAN

Pelan Antirasuah Jabatan Perlindungan Data Peribadi (OACP JPDP) 2021-2023 ini akan dinilai dan dikaji semula keberkesanannya pada akhir tahun 2023. Tujuan penilaian ini adalah untuk:

- mengenal pasti kekuatan dan kelemahan setiap strategi dan inisiatif yang dilaksanakan;
- menilai sama ada pelan tindakan yang dilaksanakan adalah seperti yang dirancang; dan
- mengenal pasti penambahbaikan yang perlu dibuat berdasarkan situasi semasa.

Walau bagaimanapun, perkara ini tertakluk pada keupayaan pelaksanaan inisiatif tersebut. Pelaksana inisiatif boleh mengutarakan sebarang masalah atau kekangan yang dihadapi dalam melaksanakan inisiatif yang telah digariskan. Segala maklum balas yang dikemukakan akan membantu menambah baik pelan bagi tahun-tahun seterusnya.



STRUKTUR TADBIR URUS JAWATANKUASA OACP JPDP

JAWATANKUASA PEMBANGUNAN OACP		
BIL.	NAMA	JAWATAN
1	Encik Mazmalek bin Mohamad	Penasihat
2	Encik Abdul Rahimi bin Ahmad Shamsuil	Pengerusi
3	Puan Uma A/P Annamallai	Timbalan Pengerusi
4	Puan Cheryl Barr Kumarakulasinghe	Ahli Jawatankuasa
5	Encik Fazlan bin Abdullah	Ahli Jawatankuasa
6	Encik Wan Nur Fakrin bin Wan Ahmad Sukri	Ahli Jawatankuasa
7	Puan Mazlina binti Mazlan	Ahli Jawatankuasa
8	Cik Leniza Nihar	Ahli Jawatankuasa
9	Puan Nor Afiza binti Moharam	Ahli Jawatankuasa
10	Encik Mohamad Azrul bin Azmi	Ahli Jawatankuasa
11	Puan Suhana binti Mohd Jamil	Ahli Jawatankuasa
12	Encik Sharil Mazmi bin Mohd Sharif	Ahli Jawatankuasa
13	Puan Rosyila binti Abdul Latif	Ahli Jawatankuasa
14	Puan Liza Iznarida binti Basri	Ahli Jawatankuasa

PASUKAN EDITOR		
BIL.	NAMA	JAWATAN
1	Encik Abdul Rahimi bin Ahmad Shamsuil	Penasihat
2	Puan Rosyila binti Abdul Latif	Ketua Editor
3	Encik Mohamad Azrul bin Azmi	Editor
4	Puan Suhana binti Mohd Jamil	Editor
5	Encik Mohd Khairil Anwar bin Abu Bakar	Editor
6	Cik Khairul Nur Iman binti Mohd Khairul Anuar	Editor
7	Encik Azrul Nizam bin Mhd Razak	Editor

BAB 4: KESIMPULAN

Pelan Antirasuah Jabatan Perlindungan Data Peribadi (OACP JPDP) 2021-2023 ini dibangunkan dengan menyasarkan perancangan tiga (3) tahun demi mencapai matlamat menjadikan JPDP bebas rasuah dan berintegriti.

Pelan yang digariskan dengan kerjasama seluruh warga JPDP ini menggariskan empat (4) strategi dan sepuluh (10) inisiatif yang perlu dilaksanakan untuk menyahut dasar Kerajaan. Pelaksanaan semua inisiatif yang telah digubal ini akan dipantau dan dikaji semula secara berkala untuk memastikan kelestarian dan keberkesanannya.

Jabatan akan sentiasa peka pada perkembangan semasa untuk memastikan inisiatif yang dirangka sentiasa relevan dan terus menjadi panduan dan rujukan semua pihak dalam menangani salah laku dan jenayah rasuah.

Pelan ini merupakan dokumen dinamik yang akan dinilai dan dikaji semula secara berkala supaya dapat ditambah baik selepas tiga (3) tahun. Semoga semua warga Jabatan dapat memanfaatkan penghasilan pelan antirasuah ini dalam merealisasikan usaha kerajaan memerangi rasuah dan salah laku integriti.







JABATAN PERLINDUNGAN DATA PERIBADI (JPDP)

Aras 6, Kompleks Kementerian Komunikasi dan Multimedia Malaysia,
Lot 4G9, Persiaran Perdana, Presint 4,
Pusat Pentadbiran Kerajaan Persekutuan, 62100 Putrajaya.
Telefon: 03-8911 7927 Faks: 03-8911 7959

www.pdp.gov.my